

STPM Kertas 1 2019:

Soalan 1

Perniagaan Desa Rimbunan yang menawarkan kemudahan rekreasi dan perkhemahan telah mula beroperasi sejak awal tahun 2017. Puan Rozaila Ramlee, pemilik Perniagaan Desa Rimbunan telah meminta bantuan anda untuk menyemak penyata pendapatan yang disediakan untuk perniagaannya bagi sukuan berakhir 30 Jun 2018. Beliau merasakan ada sesuatu yang tidak kena dengan penyata pendapatan yang telah disediakan oleh kerani akaun kerana keuntungan perniagaan untuk setiap sukuan sebelum ini tidak pernah melebihi RM20,000.

Penyata pendapatan komprehensif Perniagaan Desa Rimbunan bagi sukuan berakhir 30 Jun 2018 adalah seperti yang berikut:

Perniagaan Desa Rimbunan
Penyata Pendapatan Komprehensif
Bagi sukuan berakhir 30 Jun 2018

	RM	RM
Hasil		
Hasil sewaan		45,000
Belanja Operasi		
Belanja pengiklanan	2,600	
Belanja penyelenggaraan dan pembaikan	2,000	
Belanja susut nilai	400	
Belanja upah dan gaji	14,900	
Belanja utiliti	<u>450</u>	
Jumlah belanja		<u>20,350</u>
Pendapatan bersih		<u>24,650</u>

Maklumat yang berikut yang belum diambil kira dalam penyediaan penyata pendapatan komprehensif di atas.

- (1) Hasil sewaan termasuk RM5,000 yang diterima daripada Syarikat Kenanga Biru Sdn. Bhd. sebagai bayaran pendahuluan tempahan untuk bulan Julai 2018.
- (2) Pada 25 April 2018, sebanyak RM1,800 telah dibayar untuk sebuah polisi insurans bagi tempoh setahun bermula 1 Mei 2018. Urus niaga ini belum direkodkan dalam mana-mana akaun.
- (3) Bil untuk bulan Jun 2018 yang telah diterima tetapi belum dijelaskan terdiri daripada bil pengiklanan RM110, bil pembaikan RM130 dan bil utiliti RM175.
- (4) Baki bekalan pejabat pada 1 April 2018 dan 30 Jun 2018, masing-masing bernilai RM3,180 dan RM850.

- (5) Upah bagi dua orang pekerja sambilan untuk lima hari terakhir dalam bulan Jun 2018 belum dijelaskan . Kadar upah harian untuk setiap pekerja ialah RM50 sehari.
- (6) Pada 1 Jun 2018, Perniagaan Desa Rimbunan telah menerbitkan nota tiga bulan sebanyak RM6,000 sebagai balasan atas pembelian perabot secara kredit. Nota dikenakan faedah pada kadar 8% setahun.

Dikehendaki:

- (a) Perihalkan dua prinsip perakaunan yang **tidak** dipatuhi dalam penyediaan penyata pendapatan komprehensif di atas. (3)
- (b) Sediakan catatan jurnal pelarasan bagi maklumat (1) hingga (6) di atas. (10)
- (c) Sediakan penyata pendapatan komprehensif Perniagaan Desa Rimbunan bagi sukuan yang berakhir 30 Jun 2018 selepas mengambil kira pelarasan di atas. (7)